



ՀՈԳԵՀԱՆԳԻՍՏ ՄԱՅՐ ՏԱԺԱՐՈՒՄ
ԿԱՐԱՊԵՏ ԱՎԱԳ ՍԱՐԿԱՎԱԳ ՓԱՓԱԶՅԱՆԻ
ՄԱՀՎԱՆ ՏԱՐԵԼԻՑԻ ԱՌԹԻՎ

Հուլիսի 23-ին Մայր տաճարում հոգե-
հանգիստ կատարվեց Պրովդիվի հայոց ա.
Գևորգ եկեղեցու ավագ սարկավագ Կա-
րապետ Փափազյանի մահվան տարելիցի
առթիվ:

Հանգուցյալը ծնվել է 1894 թվականին
Ադրիանապոլսում և իր նախնական կրթ-
ությունը ստացել տեղի Արշակունյաց ազ-
գային վարժարանում և այն ավարտել 1909
թվականին:

Մանկուց սիրել է եկեղեցին և եկեղեցա-
կան երաժշտությունը ու նվիրվել եկեղեցու
ծառայությանը:

1913 թվականին փոխադրվել է Բուլղա-
րիայի Պրովդիվ քաղաք և այդ օրվանից
իր կրթքն ու գործունեությունը կապել, որ-
պես դպիր և ապա որպես սարկավագ, ա.
Գևորգ եկեղեցու ծառայությանը:

1919 թվականին նշանակվել է նույն ե-
կեղեցու դպրապետ:

1924 թվականին ձեռնադրվել է սարկա-
վագ, ձեռամբ տ. Ստեփանոս արքեպ. Հո-
վակիմյանի, որն առաջնորդն էր բուլղա-
րահայության:

Ավելի քան 60 տարիներ, որպես հայ
եկեղեցու համեստ սպասավոր, անձնվի-
րաբար ծառայել է իր եկեղեցուն, կազմել

դպրաց դասերի երգեցիկ խմբեր և ղեկա-
վարել այն սիրով և նվիրումով: Մանա-
վանդ անմոռանալի է նրա աշխատանքը
Պրովդիվի հայոց ա. Ներսես Ծնորհալի երգ-
չախմբի կազմակերպման և ղեկավարման
մեջ:

1958 թվականին Պրովդիվում նշվում է
Կարապետ արկ. Փափազյանի եկեղեցական
երաժշտական ծառայության 40-ամյակը:

1964 թվականին նա արժանանում է Հա-
յոց Հայրապետի օրհնության կոնդակին իր
երկարամյա և ամբասիր ծառայության հա-
մար:

1967 թվականին ուխտի է գալիս Մայր
Աթոռ ա. Էջմիածին՝ արժանանալով Հայոց
Հայրապետի մասնավոր հոգածությանը և
գուրգուրանքին:

Մեկ տարի առաջ նա իր աչքերը փա-
կեց Պրովդիվում, իր սիրելի եկեղեցու հո-
վանու տակ, հայ համայնքի գուրգուրանքի
և ուշադրության մեջ:

Հարգանք նրա աշխատանքին և հիշա-
տակին:

Թող Տերը իր հավիտենական լուսին
արժանացնի Կարապետ սարկավագ Փա-
փազյանի ջրարի հոգին:

